



Na osnovu čl. 117. i 121. Poslovnika Skupštine Kantona Sarajevo („Službene novine Kantona Sarajevo“, br. 41/12-Drugi novi prečišćeni tekst, 15/13 i 47/13), Skupština Kantona Sarajevo, na sjednici održanoj dana 17.06.2015. godine, donijela je slijedeću

DEKLARACIJU

1. Skupština Kantona Sarajevo najoštrije osuđuje postupanje organa Republike Srbije koji su odlučili da preduzmu krivični progon – raspišu međunarodnu potjernicu za gosp. Naserom Orićem, građaninom Kantona Sarajevo i Bosne i Hercegovine, ratnim komandantom Armije Republike Bosne i Hercegovine u odbrani Srebrenice, što je imalo za posljedicu njegovo lišavanje slobode od organa države Švicarske.
2. Podsjećamo da ovo nije prvi put da organi Republike Srbije proizvoljno preduzimaju krivični progon i čine pravno nasilje nad građanima Kantona Sarajevo i Bosne i Hercegovine, kao što je to bilo u slučaju sa gosp. Ejupom Ganićem, gosp. Jovanom Divjakom i dr., čime se izaziva uznemirenost i opća nesigurnost građana Sarajeva koji su preživjeli najdužu opsadu grada od 1.425 dana i za koje vrijeme je ubijen 11.541 naš sugrađanin.
3. Pozivamo organe Republike Srbije da prestanu sa dosadašnjom praksom, a od nadležnih organa i institucija Bosne i Hercegovine tražimo da hitno preduzmu sve potrebne aktivnosti i zakonom propisane mjere u cilju oslobađanja iz pritvora gosp. Nasera Orića i omogućavanja njegovog povratka u Bosnu i Hercegovinu.

Broj:01-05-18230/15
17.06.2015. godine
S A R A J E V O

PREDSJEDAVAJUĆI
SKUPŠTINE KANTONA SARAJEVO

Sejo Bukva

